

## PERUTUSAN YB MENTERI

Salam Sejahtera.

Saya amat berbesar hati untuk memperkenalkan Laporan Tahunan Suruhanjaya Syarikat Malaysia (SSM) bagi tahun 2021.



**YB DATO SRI ALEXANDER NANTA LINGGI**  
*Menteri Perdagangan Dalam Negeri dan Hal Ehwal Pengguna*

Sebagai Menteri yang menerajui Kementerian Perdagangan Dalam Negeri dan Hal Ehwal Pengguna (KPDNHEP), visi Kementerian ini adalah agar perdagangan domestik dapat menjadi tunjang ekonomi berpendapatan tinggi dan salah satu dari misi Kementerian pula adalah untuk memastikan sektor domestik utama terus maju, berdaya saing dan mampan. SSM yang merupakan agensi di bawah Kementerian memainkan peranan untuk memastikan visi dan misi Kementerian dilaksanakan.

Kita sedia maklum bahawa tahun 2021 penuh dengan cabaran luar biasa yang telah mengubah landskap perniagaan negara. Dari sudut positif, pandemik yang telah mengakibatkan pengurangan dan pemberhentian pekerjaan itu telah mencetuskan minat untuk menceburi perniagaan dalam talian sebagai kerjaya pilihan yang secara tidak langsung berupaya meningkatkan tahap efisien dalam tugas, menjimatkan kos operasi perniagaan serta dapat memperluas jangkauan pasaran mereka. Perkara yang membanggakan

saya ialah ekonomi Malaysia yang pulih secara beransur-ansur berikutan kelancaran Program Imunisasi COVID-19 Kebangsaan dan kejayaan mencapai imuniti kelompok seterusnya telah membolehkan pembukaan semula aktiviti ekonomi serta sosial yang lebih luas.

KPDNHEP serta agensi di bawahnya memikul tanggungjawab yang besar dalam merangsang ekonomi domestik pada waktu mencabar ini. Pegawai-pegawai di Kementerian saya serta agensi-agensinya di bawahnya telah bertungkus lumus berkhidmat untuk memastikan ekonomi domestik kekal berdaya saing dan mampan. Keutamaan telah diberikan kepada penambahbaikan terhadap pelbagai SOP serta proses kerja bagi memastikan aktiviti perniagaan dapat diteruskan dan berjalan lancar dalam tempoh pelaksanaan pelbagai sekatan pergerakan bagi membendung virus COVID-19 ini.

## PERUTUSAN YB MENTERI

KPDNHEP melalui SSM juga telah mengambil pelbagai tindakan proaktif dengan memperkenalkan 11 inisiatif dalam menyokong usaha-usaha Kerajaan mengurangkan impak yang dihadapi oleh sektor korporat dan ekonomi negara akibat pandemik COVID-19 yang merangkumi inisiatif berikut:

<p><b>Memperkenalkan Skim Pendaftaran Perniagaan Prihatin (SPPP) yang memberikan pendaftaran PERCUMA kepada:</b></p> <ul style="list-style-type: none"> <li>• Usahawan Kumpulan B40</li> <li>• Pelajar IPT Sepenuh Masa</li> </ul>		<p><b>Mengiktiraf mata <i>Continuing Professional Education (CPE)</i> melalui latihan secara dalam talian</b></p> <ul style="list-style-type: none"> <li>• Bagi tujuan pembaharuan Sijil Perakuan Amalan Setiausaha Syarikat</li> <li>• Bermula 1 Januari 2021</li> </ul>	
<p><b>Meneruskan pelaksanaan Skim 1 OKU 1 Perniagaan (S101P)</b></p> <ul style="list-style-type: none"> <li>• Terhad 1 perniagaan setiap OKU</li> </ul>		<p><b>Mencadangkan pindaan bagi menambah baik peruntukan-peruntukan di bawah Akta Syarikat 2016 berkaitan Mekanisme Penyelamat Korporat dan Skim Kompromi atau Perkiraan</b></p>	
<p><b>Meneruskan pelaksanaan Skim 1 OKU 1 Perniagaan (S101P)</b></p> <ul style="list-style-type: none"> <li>• Terhad 1 perniagaan setiap OKU</li> </ul>		<p><b>Memperkenalkan peruntukan-peruntukan berkaitan Mekanisme Penyelamat Korporat di bawah Akta Perkongsian Liabiliti Terhadap 2012</b></p>	
<p><b>Melanjutkan tempoh masa pendaftaran SSM BizTrust secara PERCUMA</b></p> <ul style="list-style-type: none"> <li>• Sehingga 31 Disember 2021</li> </ul>		<p><b>Memperkenalkan moratorium 30 hari selepas tamat tempoh <i>Total Lockdown</i> bagi serah simpan dokumen berkanun di bawah Akta Syarikat 2016 dan Akta Perkongsian Liabiliti Terhadap 2012</b></p> <ul style="list-style-type: none"> <li>• Fi lewat serah simpan dikecualikan</li> </ul>	
<p><b>Mengecualikan kompaun atas kelewatan pembaharuan dan kelewatan mendaftarkan perniagaan</b></p> <ul style="list-style-type: none"> <li>• Sehingga 31 Disember 2021</li> </ul>		<p><b>Melanjutkan masa sehingga 90 hari bagi syarikat dengan tahun kewangan berakhir 1 November 2020 hingga 31 Januari 2021</b></p> <ul style="list-style-type: none"> <li>• Mengedarkan penyata kewangan</li> <li>• Mengadakan Mesyuarat Agung Tahunan (AGM)</li> <li>• Menyerah simpan penyata kewangan</li> <li>• RM100 fi permohonan lanjutan masa dikecualikan</li> </ul>	
<p><b>Menaikkan nilai ambang keterhutangan dari RM10,000 kepada RM50,000 secara kekal berkuat kuasa pada 1 April 2021</b></p>		<p>Sebagai tambahan kepada 11 inisiatif tersebut, SSM juga berjaya melancarkan Portal XCESS pada 2 September 2021 yang menyediakan perkhidmatan penjualan maklumat entiti perkongsian liabiliti terhadap (PLT), maklumat Penglibatan Peribadi di dalam syarikat, perniagaan dan PLT secara dalam talian (<i>online</i>). Melalui portal XCESS ini, orang ramai boleh mendapatkan maklumat berkaitan PLT dan penglibatan peribadi dengan lebih mudah secara dalam talian tanpa perlu hadir ke kaunter SSM.</p>	

*PERUTUSAN YB MENTERI*

Dalam mempertingkatkan kualiti sistem penyampaian perkhidmatannya, SSM telah melaksanakan Projek Hala Tuju HT1 – MyLLP yang merupakan salah satu projek *Quick Win* telah berjaya direalisasikan dengan pelaksanaan sistem MyLLP baharu pada 19 Ogos 2021. Sistem MyLLP sedia ada telah diganti dengan sistem MyLLP baharu dengan beberapa ciri penambahbaikan sistem dan menyediakan modul-modul yang baharu.

**Selain itu, saya juga ingin berkongsi maklumat berkaitan inisiatif oleh Kerajaan iaitu pada 27 September 2021 telah membentangkan Rancangan Malaysia Kedua Belas 2021 - 2025 (RMKe-12) di Dewan Rakyat yang menetapkan hala tuju strategik bertemakan 'Keluarga Malaysia - Makmur, Inklusif, Mampan'. Fokus RMKe-12 ini tertumpu kepada tiga (3) fokus utama iaitu menjana semula ekonomi, memperkukuh keselamatan, kesejahteraan dan inklusif serta melonjakkan kemampanan.**

Berdasarkan dokumen RMKe-12, SSM telah tersenarai sebagai agensi pelaksana yang melibatkan dua (2) bab iaitu Bab 5 tentang 'Menangani Kemiskinan, Membangunkan Masyarakat Inklusif dan Pemacu Perubahan' serta Bab 7 berkaitan 'Memperkukuh Pembangunan Sosioekonomi di Sabah dan Sarawak dan Pemacu Perubahan.'

Penglibatan SSM di dalam Bab 5 meliputi dua (2) strategi iaitu yang pertamanya dengan menambah baik tadbir urus dan memperkukuh penyampaian perkhidmatan di mana pindaan kepada Akta Syarikat 2016 sedang dimuktamadkan berhubung kerangka pelaporan pemunya benefisial. Pindaan ini sebagai pelengkap kepada kerangka sedia ada bagi tujuan ketelusan korporat dalam membanteras aktiviti pengubahan wang haram dan pembiayaan keganasan (AMLA). Bagi strategi kedua iaitu memastikan pemilikan ekuiti korporat yang mampan, SSM bertanggungjawab dalam membekalkan data-data kepada Kerajaan yang melibatkan fungsi dan undang-undang di bawah SSM bagi tujuan analisa.

Manakala penglibatan SSM bagi Bab 7 adalah dalam pengenalan kerangka perundangan pendaftaran perniagaan yang moden dan terpakai ke seluruh Malaysia. Ingin saya berkongsi bahawa

penglibatan ini dilaksanakan dengan menyelaraskan kajian pendaftaran perniagaan di Sabah dan Sarawak. SSM juga bersedia untuk bekerjasama dalam berkongsi teknologi bagi tujuan pengumpulan data pendaftaran perniagaan agar lebih tersusun dan berpusat yang dapat membantu Kerajaan Persekutuan dalam memperkenalkan polisi yang lebih bersifat inklusif untuk dilaksanakan di seluruh negara.

**Pelaksanaan beberapa inisiatif yang saya nyatakan di atas hanyalah sebahagian daripada pelbagai inisiatif yang telah dilaksanakan SSM pada tahun 2021 seperti yang dibentangkan di dalam Laporan Tahunan SSM bagi tahun 2021 ini. Saya berharap, para pembaca akan dapat manfaat melalui maklumat-maklumat yang dilaporkan di dalam penerbitan ini.**

Akhir kata, saya ingin mengucapkan ribuan terima kasih kepada semua warga kerja SSM yang bertugas sebagai barisan hadapan dalam menyampaikan perkhidmatan yang baik dan memastikan prospek pertumbuhan ekonomi negara kekal kukuh untuk jangka masa sederhana dan panjang. Mereka teguh bersama-sama dengan Pengurusan SSM untuk memastikan perkhidmatan kepada para pelanggan dapat disampaikan dengan cemerlang dan lancar sepanjang tempoh pandemik ini.

Saya gembira dan bersyukur atas usaha-usaha yang dilaksanakan oleh SSM sepanjang tahun 2021 dan mendoakan kejayaan yang berterusan pada masa depan.

Terima kasih.

**YB DATO SRI ALEXANDER NANTA LINGGI**

*Menteri Perdagangan Dalam Negeri dan Hal Ehwal Pengguna*